



UNIVERSITÄTS-  
BIBLIOTHEK  
PADERBORN

**De Ortv Et Progressv Ac Viris Illvstribvs Ordinis  
Gloriosissimæ Dei Genitricis, semper Virginis Mariæ de  
monte Carmelo**

**Trithemius, Johannes**

**Coloniae Agrippinae, 1643**

De Sacra Antiquitate Ordinis gloriosiss. Dei Genitricis semper Virginis  
Mariæ de monte Carmelo. Siue Fratrum B. Mariæ Virg. Tractatus duo.  
Quorum primus originem & laudes eius recenset: alter ...

---

[urn:nbn:de:hbz:466:1-64495](https://nbn-resolving.org/urn:nbn:de:hbz:466:1-64495)

DE  
SACRA ANTI-  
QVITATE ORDINIS  
GLORIOSISSIMÆ DEI  
GENITRICIS SEMPER VIRG. MARIÆ  
De monte Carmelo.

*Sive*

Fratrum B. MARIÆ Virginis

*Tractatus Duo,*

QVORVM PRIMVS ORIGI-  
nem & laudes eius recenset : alter  
quorundam sequiùs senten-  
tium obiectiones  
refellit.

*Authore*

R. P. F. IOANNE DE CARTHAGENA  
Ord. Minorum de obseruantia.



COLONIÆ AGRIPPINÆ,  
Apud IODOCVM KALCKOVEN,

ANNO MD. CXLIII.



VENERANDIS PATRIBVS CAR-  
 melitis Discalceatis, Magni vatis ELIÆ  
 Filijs, DEIPARÆ Virginis MARIÆ  
 Fratribus, perfectiorisq; vite Aemula-  
 toribus, DEI seruis, cum gratia diuina  
 incremento perseuerantiam  
 in bono.

IOANNES HEMELARIVS Canon.  
 Antuerpiens.

*Venerandi in Christo Patres,*

**Q**UOD ad Sodomam & finitima cir-  
 cūm loca vltore cœli us igne subuer-  
 tenda missi Angeli Patriarchæ Lothi  
 præcepere; *Salua animam tuam, noli respicere  
 post tergum, nec stes in omni circa regione: sed in  
 monte saluum te fac ne & tu simul per eas: id  
 quidem omnium Dei famulorum auribus  
 insonuisse, Spiritu sancto dictante, iam  
 olim videtur: vt ad certiozem animarum  
 suarum salutem, & bonorum operum in-  
 crementa, dimissis semel pro amore Dei  
 vanitatibus, & secularibus desiderijs, post  
 tergum non respicerent, nec in peccantis  
 promiscuè circumcirca populi regione sta-  
 rent: sed in montem contemplationis, & in  
 soli-*

solitudinis sacræ secreta se subducerent, ne  
 multitudinis exemplo & contagio in erro-  
 rem abrepti & iacturam salutis facerent, &  
 debitis peccantium pœnis inuoluerentur.  
 Hinc ille ante legem sancti *Enoch* cum Deo  
 ambulatio. & quia ei placuerat, vltra non  
 apparitio: hinc illa *Abrahe*, ad terram Visio-  
 nis & ad montem à Deo monstratum pro  
 sacrificio obedientiæ præstando ablegati,  
 profectio: hinc illa *Isaac* solitaria per viam,  
 quæ ducit ad puteum *Viuentis* & *Videntis*, ad  
 meditandum in agro egressio: hinc illa *Moy-  
 sis* ad legem Dei populo ferendam quadra-  
 ginta dierum in montem secreta & subdu-  
 cta secessio: hinc illa *Elie* Patriarchæ vestri  
 per auia solitudinum ad montem Dei pene-  
 tratio, eiusque visio: hinc eiusdem apud  
 montem vestrum delecta commoratio: hinc  
 deniq; sublimiorum *Christi Domini* operum  
 transfigurationis, sermocinationis de bea-  
 titudine, discipulorum electionis, agonis,  
 passionis & ascensionis, in montibus sanctis  
 facta designatio: vt ad sublimitatem actio-  
 nis ostendendam, & commendanda myste-  
 ria mons plerumq; selectus fuisse videatur.  
 Pari omnino ratione & modo, vestro huic  
 à contagione vulgi secreto, & subducto  
 sublimioris vitæ Instituto aptissimus, & de-  
 dicatus à multis retro seculis sacer *Carmelus*  
 mons vester apparuit; quippe vbi & sele-  
 ctior olim portio gregis & seruorum Dei,

Q

*Elia*

*Elia* magno potissimum, & *Eliseo* auctori-  
 bus, diuinorum meditationi dicatas sedes  
 fixerit, & circa Saluatoris aduentum veritas  
 redemptionis humanæ primum apud ser-  
 uos Dei per discipulorum prædicationem  
 innotuerit, & mox ipsa Dei mater, post  
 ascensionem Domini ad cœlos, in secreta  
 silentio solitudinis cœlestibus sese sæpè me-  
 ditationibus exercuerit, & ipsiusdem Dei  
 matris per prophetarum oracula, & per mi-  
 racula manifestata mundo dignitas cultus  
 & venerationis debitæ principium inuene-  
 rit. Hanc *Carmeli* Carmeliticique instituti  
 olim nobilem Antiquitatem, ortumque, &  
 incrementa, titulumque, quo iam tunc in  
*Deiparæ* Virginis *Fratres* adoptati estis (re-  
 florescente nostro hoc seculo, per B. vir-  
 ginem *TERESIAM*, Ordinis vestri rigore, &  
 gloriâ) quidam vel imperitiâ vel liuore du-  
 cti, obtrectatione premere nuper in ani-  
 mum induxerant: etsi conatu irrito, dum  
 iactata virtus & gloria ventilata clarior e-  
 mergit. Sed obuiam iuit, zelo veritatis im-  
 pulsus, non partium studio, quarum ipse  
 non erat, venerabilis Pater *Ioannes Cartha-*  
*gena*, qui sacram Antiquitatem Instituti  
 Carmelitici non obscuris testimonijs com-  
 probauit, aduersantiumque obiecta egregiè  
 confutauit: cuius eò præconia solidiora  
 censerit debent, quod in alterius Ordinis  
 castris ipse militans, nihil hîc gratiæ, nihil  
 philau-

philantia dedisse censeripotest. Sed hæc  
 eius dissertatio, quia maioris operis volu-  
 minibus inserta ad paucorum manus per-  
 uenisse videbatur, bonum factum putau-  
 mus, separato eam hoc libello ad plurium  
 usum & commoditatem denuo euulgare,  
 vobisque primitus ab auctore elaboratum,  
 vobis reddere: qua (grauissimo vestrae con-  
 uersationis exemplo insuper accedente)  
 tum honor Ordini debitus non intercidat,  
 tum sancti Instituti amor in multorum ani-  
 mis felicius, & oportunius propagetur.  
 Boni consulite, & lucem caliginoso sæculo  
 dictis factisque vestris, cum Deo fauente,  
 feliciter diffundere perseuerate.

Q 2

In Lau-

*In Laudem Carmelitanae Religionis Re-  
formatae, & ad primaeuam institu-  
tionem redactae Parodia  
Horatiana.*

**B**Eatus ille qui procul negotijs,  
 Vt sancta CARMELI cohors,  
 Poli viveta spiritu exercet suo,  
 Solutus omni crimine:  
 Nec excitatur classico cupidinum,  
 Nec horret alta culmina:  
 Mundumq; vitat, & superba civium  
 Mundo dicata limina.  
 Ergo aut adulta spiritus propagine  
 Vocis maritat canticum:  
 Aut in reducta sede poenitentium  
 Restaurat inuias vias:  
 Pravasq; VERBI falce curas amputans,  
 Feliciores inserit:  
 Aut sacra castis dicta condit cordibus:  
 Aut curat infirmas oves:  
 Vel, cum pium claustralibus septis caput  
 Selectior quis intulit;  
 Vt gaudet insitiua spectans germina,  
 Certantem & impetum Angelo?  
 Quo muneretur, Christe, te, & te Spiritus  
 Coelestis auctor consili.  
 Libet iacere modo sub horrenti specu,  
 Modo auia sub arbore:  
 Labantur vt securius genis aqua  
 Eantque singultus polo,  
 Praesque cor fundat, labris silentibus,  
 Quis gratiam euocet Dei.  
 Aut cum tonantis aspera ira Numinis  
 Minacius fulmen quatit,

Quo trudad hinc & hinc Stygis multo cane  
 Rebellium gregem in plagas:  
 Aut cum comata stella portento horrido,  
 Virgas flagellaque expedit:  
 Aut cum amite leui Satan tendit retia,  
 Turbis sequacibus dolos:  
 Nouissimorum corda percellens metu,  
 Captat salutem gentium:  
 Clamat, tonat, rogatque, dum mens saxeæ  
 Lique scat ad frugem bonam.  
 Quis non malarum, quas caro curas mouet,  
 Hac inter obliuiscitur?  
 Quod si pius sodalis in partem iuuet  
 Vita ardua conamina.  
 (Tu, Maure, qualis, vel subacte Didace,  
 Spretorve vita Anastasi)  
 Aram & dicatis instruat donis sacram,  
 Ipso hostiâ ut fiat Deo:  
 Iungensque paruis cellulis magnos viros,  
 Silentij aptet sacris:  
 Aut peruigil citet quieto tempore,  
 (Dum cuncta nocte conticent)  
 Ad excubandum pro salute publicâ  
 Ad accinendum Numini,  
 Ad demerenda blandiente cantico  
 Cælestium suffragia:  
 Panem aut canistris, & lagunculis aquam  
 Dapesque, inemptas apparet:  
 Ut poma & herbas, fructuum & simplex genus  
 Fami suâue prandium;  
 Non me Anglicana iuuerint conchilia,  
 Magisve salmo, vel scarus:  
 Non phasidis descendat in ventrem meum  
 Turdiue, perdicum aut caro  
 Iucundior, quàm vel leguminum genus,  
 Vel pastinaca, & intyba,  
 Siluestre meliue, quo Baptista pastus est,  
 Radiculae stirpium.



Huiuscepra vita casis, & cellulis,  
 Centunculisque, & lectulis  
 Excelsa non me iuuerint palatia,  
 Aurumue, gemma, & unio:  
 Quaeque alia Eois iactitata fluctibus  
 Rates ad hunc orbem inuehunt:  
 Non tinta cocco & texta Mileti chlamys,  
 Non fila Serum mollium  
 Honestiore contegant nudum stela,  
 Quam vilia agni vellera.  
 (Natiuus ut distinxerit lanam color)  
 Fusca intus, extra candida:  
 Pedisque nudi gressus expeditior,  
 Euangeli ut legem ferat.  
 Hos inter habitus ut iuuat pios Patres  
 Audire psallentes Deo!  
 Audire celsa dicta, verba & ignea  
 Sacro emetiri pectore?  
 Videre vernas, caelica examen domus,  
 Parere & obsequi haud rudes,  
 Suauae Christi, aut horridum mundo iugum  
 Collo trahentes impigro,  
 Laboriosa & occupando munia  
 Implere iussa praesidium:  
 Videre zelo corda fundi feruido  
 Termaximi in cultum Patris:  
 Gemituq; pasci, & mollibus suspirijs  
 Spem suscitare languidam:  
 Videre, vultus saepe tolli ad aethera,  
 Perenne iustorum solum:  
 Hac si quis audis, lectiore qui luto  
 Efficta habes praecordia,  
 Generosioris cuiq; vena sanguinis  
 Laua mamilla subsilit,  
 Omnem releges indigis pecuniam,  
 Habitumq; mendices sacrum.

Sacri Instituti admirator & venerator  
 IOAN. HEMELARIUS Canon. &c.